

Don gottes geladen Wilhelm vnd Ludwig gebürer
der Herzogen in Obern vnd Nidern Bayrn ic.

mbieten allen vnd vnsern Ditzdomen/ Zaubelwoten/ Pflegern/ Kennntmaistern/ Richtern/ Castnern/
Mautnern/ Sollnern/ Dingellern/ Gegenschreibern vnd aller vnser Stett/ Märcht vnd Landtgericht Ambr-
leuten/ Burgermaistern/ Camern/ Burgern/ Gerichtleuten/ Dinderthamen/ Inwonern vnd verwanter vnser
sers Herzogthums Bayrn. Vnsern gönslichn grüß vnd genad züvor lieben vnd getrewen. Nachdem wir
frembd geringe vnd unbekante weisse Müns an pfening vnd hallern besonder aus Schwaben diser zeit in
vnserm Fürstenthumb vnd Lande/ neben vnser Dorffern vnd vnserer Bayrischen schwarzen Müns/ ein-
dringt vnd die Rechten Bayrischen swarzen pfening vnd haller dadurch verlorz verlügt vnd versürt werden/
deshalb man die recht landeswerung der klainen Müns statlich mit mer gehalten mag/ das vnsern landten
vnd leuten zü merlichem nachtail/ verderben vnd schaden raicht. Demnach ist vnser ernstlich beuelh vnd may-
nung/ das nun fütan in vnserm Fürstenthumb/ inn Stetten/ Märchten vnd auf dem Lande/ khain ander
Müns von pfening vnd hallern für landts werung geben vnd genommen werden sol/ dann allain vnser dor-
ffern vnd vnser Fürsten von Bayrn swarze Müns/ auch die Augspurger pfening/ so auf das Bairisch Müns-
korn geschlagen sind. Wellicher aber hyeüber aynichweiß pfening oder haller in vnserm Lande/ fürwerung auf-
geben/ oder in kauffen oder verkauffen inn landt verreyben wolt/ dem sollen von vnsern Ambleuten vnd Ge-
richtsobrigkeiten dene es züsetet/ dieselben weissen pfening oder haller als verworcht/ zü straff on alle begnadung
genommen werden/ darinn vnsern Ambleuten der halb tail/ vnd der ander halb tail in vnser Camer veruolgen
sol. Doch den vnsern so an den Landgrenitzen gegen dem hauss östereich/ der Graueschafft Tyrol/ Salzburg
vnd Passaw syzen vnd daran stossen/ die sich derselben Müns täglich gebrauchn müessen/ an iren alten gebreü-
chen nach vermög vnser Dorffern sagung vnd aufgangen Landtpoten/ digmals vnuergrieffenlich/ doch das die-
selben bey vermeydung vorgesezter straff/ söhe Müns so bey ire iren gang von alter gehabt/ hat allain bey ire
vnd außser vnser Landts verreiben. Schaffen vnd gepieten darauf das diss vnser verpot allennthalben in
vnserm Lande vffüglich gehalten/ vnd vor den kirchmenigen vnd Berichten zefundt an offentlich verkündet/
werden sol/ auch sölichs gepotbrieffs gläubwürdig schrifftten/ derenden es not thuet anschlagen lassen. Auff das
sich ain yeder dierweyl wir solh gepot mit widerrieffen oder emndern/ das wir vns dan hejrn vorbehalten wöl-
len haben/ darnach sühalten vnd vor schaden züerhütten wissen. Geben vntter vnserm hiesfürdrucktem
Secrete zü München an sand Michels tag Anno. m. cccc. xxiij.